

柳州府志卷之三十八

藝文

五言律詩

過柳州

唐戴叔倫

地盡江南戍山分桂北林
火雲三月合石路九疑
深暗谷隨風過危橋共鳥尋
羈魂已愁絕不復待
猿吟

答劉連州邦字

連壁本難雙分符刺小邦
崩雲下灘水劈箭上潯

柳州府志

卷之三十八

藝文

一

江負弩啼寒狖鳴
袍驚夜猿遙憐郡山好
謝守但臨窻

種柳戲題

柳宗元

柳州柳刺史種柳柳江邊
談笑為故事推移成昔
年垂陰當覆地聳幹會參天
好作思人樹慙無惠
化傳

秋曉行南谷

杪秋霜露重晨起行南谷
黃葉覆溪橋荒村唯古
木寒花踈寂歷幽泉微
斷續機心久已忘何事驚

麋鹿

海南送韋七使君赴象州

一鶚韋公子新恩領郡符
島夸通荔浦龍節過蒼梧
地里金城近天涯玉樹孤
聖朝朱紱貴從此展雄圖

哭劉司戶蕢

李商隱

路有論冤謫言皆在中興
空聞遷賈誼不待相孫宏
江濶唯迴首天高但撫膺
去年相送地春雪滿黃陵

柳州府志

卷之三十八

藝文

二

紅荳蔻花

木 范成大

綠葉蕉心展紅苞竹籜披
貫珠垂寶絡剪綵倒鸞枝
且入花欄品休論藥裏宜
南方草木茂為爾首題詩

遊南潭

吳 敏

縱目南潭上循崖步落花
殘雲橫絕麓曉日蕩晴沙
魚泳成奇字禽呼認塞笳
板橋流水曲隔岸有人家

九日次獻花鋪

李衛公貶海外道過此
象州蠻女獻花於此

孫 覲

古路三叉口青裙兩髻丫更無陶令菊空想衛公
花破屋堆黃葉清江繚白沙慙勤邀一醉蠶酒壓
梨楂

過象州

蔣山卿

秦皇開象郡茲事已千年臺古埋秋草城荒起草
煙江天雲漠漠石嶺月娟娟萬里慚漂泊因風懷
昔賢

融州東樓

陳藻

燈火無蠻市江山遠暗城漁舟關柝響野燒日頭

柳州府志

卷之三十八 藝文

三

生雨濶千村暝天高一月行夜樓多好景都不礙
陰晴

柳州道中

元陳孚

五嶺炎蒸苦征夫各陣行荒哉秦象郡痛矣柳龍
城水毒人多病煙昏馬易驚里閭凋瘵甚邊將莫
言兵

還聞柳州破道阻將泝江

傅若金

交趾方通使賓州忽被圍還聞山路塞徑就水程
歸上府空金椀前軍老鐵衣誰能平政化不事總

戎機

題真仙巖

月魯

幾年混元境曾有繡衣遊刻石俯丹井題名瞰碧
流我來尋古蹟魚躍上扁舟還是夙緣否真仙微
點頭

登鵝山

明唐文燿

峙立平原上孤峯直逼天晴開千澗碧霧鎖一泓
烟眺望低雲樹登臨近日邊中流憑砥柱山下有
蒙泉

柳州府志

卷之三十八

藝文

四

謁羅池廟

韓守益

嘗聞柳州柳今到柳州城謁廟雙旌去看碑百感
生遠人嚴祀典遺像著高名庭樹叅天綠神來瘴
癘清

懷遠縣

治平今有日因得遠人懷一水牂牁遠千山翡翠
開竹祠依澗壑縣郭半雲霾我正詢民謨苗頑莫
浪猜

柳州道中

藍智

窮荒持憲節侵曉策征驂落月千峯外清霜五嶺
南草寒初息瘴林曙欲浮嵐巡歷知無補艱難頗
自諳

柳城道中

霜氣晚淒淒荒岡恐路迷孤雲桂嶺北落日柳城
西地暖蛇蟲出林昏四雀樓蠻鄉經戰伐問俗愧
遺黎

柳城縣

青山入縣庭小邑但荒城竹覆茅茨冷江涵石壁

柳州府志

卷之三十八 藝文

五

青草蟲當戶墜水鳥上階行問俗知無事松風一
舸輕

來賓縣曉發

宦遊同逆旅侵曉逐征途空館殘燈小長江落月
孤鄰鷄催去馬城柝起樓烏物色兼人事匆匆歲
欲徂

送鄭萬松經柳州府

林愛民

仗劍且萬里論交餘十年龍城雲接桂象郡幙生
蓮鷄卜隨蠻候狼烽靖瘴煙閑追柳侯興種柳柳

城邊

送劉鳳麓司訓馬平

馬森

送子長安道炎天帶雨清人遊五嶺外路指九疑
行象壁煙霞壯龍江物色迎青毡非寂寞立雪有
諸生

送邱明府赴柳州

孫陞

使君遊宦地言在瘴鄉邊野色多榕樹山聲亂杜
鵑無嗟羈客遠須識古人賢柳子還祠廟松林藹
碧煙

柳州府志

卷之三十八

藝文

六

送黃汝綸柳州尋明府弟

區大相

醉發江上棹西遊見白翁看雲吟桂水訪古過羅
池霜葉隨行暮江鴻獨去遲羨君花萼好到處有
連枝

白雲洞

錢溥

野外尋仙跡雲封古洞幽碧桃時在澗瑤草不知
秋道路通三島煙霞占一邱有無誰可必明月兩
悠悠

送方文晬省父歸柳州二首

蔣冕

萬里頻懸夢高堂九十翁養能榮一日官不換三
公衣帶花前豸門迎柳外驄平反多少獄一笑醉
春風

借問龍城路何人驄馬歸靈椿榮壽域宮錦製春
衣事為鄉邦重恩深草木輝移忠應有訓莫戀故
山薇

立魚峯二首

田澆胤

片石寒山語頻來不厭痴清泉濯老骨短岫列孫
枝鳥噪雲生處鐘鳴谷應時柳侯千古債只欠此

柳州府志

卷之三十八

藝文

七

間詩

破衲名山有憑高任取攜佛龕煙作幔僧舍石為
梯倦羽乘風側遊鱗出水齊此中堪大悟寒月五
更鷄

贈柳州桂二守

嚴嵩

南登桂嶺道却上楚鄉舟賦就江蘼晚書回旅雁
秋山形攢劍戟方語雜旃裘好種江邊柳還將惠
化留

贈老君洞水月禪丈

殷弼

浮生麋鹿性强半屬林泉聚石來何日班荆知有
緣蘆花江上月老子洞中天握手同長嘯鐘聲破
暝煙

謁柳侯祠

袁 袞

羅池非昔日柳廟亦荒顏秋草重門閉寒花獨樹
開文章真命世今古孰憐才猿鶴如相訴松風晚
更哀

謁劉賢良祠

高樹臨流水空庭澹夕陽萬言翻下第三斥竟投

柳州府志

卷之三十八

藝文

八

荒事業存青史英靈儼白楊古來稱屈者不獨一
賢良

大黃江口

江流急於箭風高浪泊天簾開山入坐雲暝雨隨
舷椎髻蠻堪駭侏僂語孰傳回看津吏侯瞬息過

前川

龍江舟中感賦

石盡江流緩舟行片月隨村舂菹店急野逕竹房
歌腰折緣何事橐垂不自知琴中山水意差可對

鍾期

江上看墟人

國朝金 虞

斜日鳥蠻渡榕陰一徑通趁墟狼女健占籍馬人
空食貨詢殊俗錢刀見古風回頭西北望江樹晚

濛濛

雒容道中

神女江邊路春禽盡日啼幾枝紅躑躅倒影碧玻
璃嵐氣侵衣暖雲光拂岫低輕帆自容與客思轉
淒迷

柳州府志 卷之三十八 藝文

九

過白雲洞二首

甘汝來

玉屏千仞削絕頂鎮氤氳捧日蟠丹穴參天冪白
雲龍興能作兩豹隱亦多文此意同誰會長歌對

夕曛

一水滌清帶層蠻聳白顛大還留藥竈小有闢壺
天許卧陶宏景曾來葛稚川盪胸雲壑在身世已
悠然

象江亭

方克任

亭峙山城外高低見石泉龍沙浮岸荻猫嶺起晴

煙門對青羅樹窗開黃葉天此間堪放眼醉倚白雲邊

熱水泉

幽壑流砵泝溶溶就淺深仙源炎火熾清夜暖霞侵淑氣生浮藻薰風滿碧潯冷腸如可洗聊為滌煩襟

瑤光樓晚眺

覃思堯

薄暮登城上樓空望遠青沙頭排宿鷺波底浸疎星岸柳悲秋瘦漁燈照水冥歸來誰是侶明月滿

柳州府志

卷之三十八

藝文

十

窗櫺

象臺山納涼

蒸人惟酷暑時地約相同山氣侵衣潤霞光映面紅沙明龍舌見雲靜象形空偶爾臨江望披襟納晚風

重陽後九日貼榦海棠葉落更生花開新艷異常

漫賦一律

楊廷璋

先得陽春信名葩綻海棠天紅能笑冷嫩綠欲欺霜不勝西風颭還添晚露妝黃花開落後好與殿

秋芳

謁柳侯祠

譚襄世

一代才名盛千秋
俎豆光交情
敦北闕文教啟南
荒古栢羅池
蔭叢柑故圃
黃昌黎同廟祀
競爽在潮陽

謁劉賢良祠

下第人猶媿
遐荒竄跡存
昌言偏啟譽
直道遂含冤
不返燕山骨
誰招柳水魂
年年啼杜宇
風雨泣黃昏

柳州府志

卷之三十八

藝文

十一

七言律詩

嶺南郊行

唐柳宗元

瘴江南去入雲煙
望盡黃茆自海邊
山腹雨晴添象跡
潭心日暖長蛟涎
射工巧伺遊人影
颯母偏驚旅客船
從此憂來非一事
豈容華髮待流年
南省轉牒欲具注
國圖令畫通風俗
故事聖代題封盡
海孺狼荒猶得紀
山川華夸圖上應
初錄風土記中殊
未傳椎髻老人難
借問黃茆深洞敢
留連南宮有意求
遺俗試檢周書王
會篇

登柳州城樓寄漳汀封連四州

城上高樓接大荒，海天愁思正茫茫。
驚風亂颭芙蓉水，密雨斜侵薜荔牆。
嶺樹重遮千里目，江流曲似九迴腸。
共來百粵文身地，猶自音書滯一鄉。

柳州寄丈人周韶州

越絕孤城千萬峯，空齋不語坐高舂。
印文生綠經旬合，硯匣留塵盡日封。
梅嶺寒煙藏翡翠，桂江秋水露鰓鱗。
丈人本是忘機事，為想年來憔悴容。

柳州城西北隅種柑樹

柳州府志

卷之三十八

藝文

十三

手種黃柑二百株，春來新葉滿城隅。
方同楚客憐皇樹，不學荊州利木奴。
幾歲開花聞噴雪，何人摘實見垂珠。
若教坐待成林日，滋味還堪養老夫。

柳州峒氓

郡城南下接通津，異服殊音不可親。
青箬裹鹽歸峒客，綠荷包飯趁墟人。
鵝毛御臘縫山罽，鷄骨占年拜水神。
愁向公庭問重譯，欲投章甫作文身。

送劉少府貶柳州

王維

明到衡山與洞庭，若為秋水聽猿聲。
愁看北渚三

湘遠惡說南風五兩輕
青草瘴時過夏口白頭浪
裏出湓城長沙不久留
才子賈誼何須弟屈平
哭劉蕡

李商隱

上帝深居閉九閭
巫咸不下問啣冤
廣陵別後春濤隔
湓浦書來秋雨翻
只有安仁能作誄
何曾宋玉解招魂
平生風義兼師友
不敢同君哭寢門
到象州寓行衙
太守陳德容
攜酒見過

宋孫覲

釘鯁黃柑喫手香
堆盤丹荔照人光
莫辭蠶酒一

柳州府志

卷之三十八

藝文

十三

樽赤會壓瘴茅千里
黃耒省讒言遭惹
苴直將空腹傲
檳榔酒醒夢覺知
何處樹影參差
月滿廊南山寺

千丈雲根蔭此邦
沉沉寒影卧秋江
潭空映日蒼虬動
煙暖翔沙白鷺雙
夢覺灘聲喧客枕
吟餘竹色滿僧窻
詩成絕叫層樓上
聽我洪鐘萬石撞
寄謝象州守周源屯田

趙抃

念公別後固依然
蜀距炎方里數千
劍棧過來纔一月
詩筒傳得已三篇
胸藏忠誼堅於石
口吐文

章湧似泉何日解符還闕去如今朝野不遺賢
象州道中二首

李綱

路入春山春日長穿林渡水意徜徉溪環石筍橫
舟小風落林花撲馬香山鳥不知興廢恨嶺雲自
覺去來忙炎荒景物隨時好何必深悲瘴癘鄉
竹屋茅簷三四家土風漸覺異中華碧榕枝弱還
生柱紅荔春深已著花社燕不巢南候別塞鴻無
信北音賒海山此去猶千里會見安期棗似瓜
題融州城樓

陳藻

柳州府志

卷之三十八

藝文

古

除却誰樓環廨舍蕭條市井客懷悲高高下下山
無數淺淺深深江有時大布紅裙媪女著半規白
扇野人持城中昨夜亡羊豕聞得誰家虎入籬
客中書事

千載蠻風尚有存此來聞見不堪論豬膏澤髮湘
南婦牛渤塗門嶺右村行客下床調瘴藥更人提
甕灌蔬園豈無佳麗堪娛目別有淒涼只斷魂
題融州真仙巖并序

融州真仙巖耆舊相傳老君南遊玉融嶺語人曰

此洞天之絕勝也山石竒秀溪源清邃不復西渡
流沙我當隱焉一夕身化為石匪雕匪琢太質具
焉太素著焉丹竈履跡炳然在焉霓旌雲幢交相
映焉有泉激湍嘗以金丹投於其中使飲之者咸
得延壽故號壽溪東流十餘里一村名曰靈壽其
民皆享高年間有三見甲子者余被命出守窮文
考古詢訪土俗遂得仙跡之詳皆非圖經所載故
作詩以書其始末勒石以示來者云紹興丁巳季
春從義郎權融州管界沿邊溪洞都巡檢使李珙

嶺南地勢富山川不似仙巖勝概全石璞渾成塵
外像壽溪直徹洞中天醮壇風細迎秋月丹竈雲
輕壓瘴煙散步使人名利泯欲求微妙養三田

靈巖

王安中

鑿破巔崖透碧流小舟輕泛入深幽石鱗映水玻
瓈皺山勢凌空翡翠浮雲護淵泉晴欲雨寒生洞
府夏成秋停橈峭壁題名姓醉墨淋漓記此游
馬平謁柳侯廟

元陳孚

詞華一代日星尊茶臼村童儼尚存山左竟能驅

痛鬼庭中已悔乞天孫善和里隔生前泪文惠祠
封死後魂欲奠荔枝不知處滿池榕葉擁朱門
謁羅池廟

傅若金

柳州刺史愛羅池廟食千年傍水涯隔坐枕榔風
瑟瑟近簷檝欖露垂垂唐碑載事班前史楚曲迎
神叶古詞欲借題籤卜行役祇慚巫祝強知詩

登柳州城和柳子厚韻

鄭珞

獨上城樓望八荒神遊霄漢入微茫輕雲帶雨來
高閣落日隨鳥下女墻萬里故人憐遠謫千家砧

柳州府志

卷之三十八

藝文

十六

杵斷愁腸長沙未有歸期計老向天涯各異鄉

前題

強順

明時俱罪竄炎荒北望京華共渺茫驛路高低山
帶郭人家遠近樹連墻嶺南歲月摧霜鬢海上風
煙斷客腸遙問同袍舊知己音書久不到蠻鄉

詠柳州城戍守

明太祖皇帝

城居邊徼壘遐荒烟瘴盈眸癘氣忙旦暮海風搖
屋樹春秋溪水泛籬墻思軍久戍炎蒸地重鎮還
勞綏輯腸但願昊穹舒造化洗清鬱結利同鄉

和柳子厚登柳州城樓

嚴貞

獨上層樓望海天異鄉愁思正茫然溪雲暝帶枕
榔雨野日晴銷薜荔烟百粵湖山通絕徼半江菰
米熟秋田舊遊別後多零落日斷滄波只自憐
同柳州守柳廷文練民歎廣西民歎桑悅
朱盈皂甲盡緇貅呼噪潯江水倒流自古農夫皆
戰卒於今太守即諸侯兩行旌旆依山麓千騎弓
刀擁道周老倅幾番陪簡閱醉歸剪燭看銀鈎
趁墟

柳州府志

卷之三十八

藝文

十七

憧憧來往趁墟辰細嚼檳榔血點唇花布抹頭多
撞老青巾撮髻是軍人束來甘蔗如修竹老去藤
香作降真夸俗不知文化近何時弓弩暫離身
記撞俗六首

動講襄公九世讐通情洗面只償牛以陪禮親鄰為洗面
相助歌迎鬼冬月歌舞迎鬼賽神殺牛豕男女分
行戲打球赴敵護頭裝鳳翅占疑隨手擲鷄頭幾
回緝事軍先覺木刻傳村有別謀
飲食行藏總異人衣襟刺繡作文身鼠毛火淨連

皮炙牛骨糟酣似酒醇小語相侵隨致怨清歌互
答自成親謂唱歌為唱歡趁墟亦有能裝束數朶銀花綴
網巾

山深路遠不通鹽蕉葉燒灰把菜醃女髻風鬟純
黑縮男頭雨笠盡紅尖租田亦與人分柳民夸皆

為分柳摘惟將手當鎌間有十冬賦役欲詢無
計召交譚柳人名排年里長為十冬

村村竹木占山鄉屢殺人民似犬羊冬盡水乾兼
送哨春來箐密喜裝塘能通官語惟村老慣結同

柳州府志 卷之三十八 藝文 六

年是熟商稱相交者夫子居夸心一片清燈閒坐
細思量

除夜雙盤貯鷓鴣清晨蟻集看何如除夜置油炙

地早看集黃蟻多則強斫牛伏地心先動利斫牛

軍強黑蟻多則強斫牛伏地心先動利斫牛

跳躍牽犬登山樂事多毒藥煎成封弩箭純鋼煉
就作干戈殺人每講賠頭物有數從來實不孚講如

十牛凡羊 豕俱當牛

姓同處處是華宗稱同姓者朝甫先加老喚公初

朝某長名甫 某老名公某 三界有靈焉助虐諸馮非祀肯相容

只將剗奪為生理亦以均分示至公誰把峯巒齊
一劇平疇萬里盡歸農

予既調柳州別駕憲長林君待用以書來云柳州
山水子厚為之生色今付公矣作詩答之

三載星沙作宦遊每逢山鳥話綢繆鷓鴣知我行
不得杜宇勸人歸去休泛月詩成湘水夜看雲徑
入大瀉秋安心此日無言語肯與宗元競柳州
登立魚峯

楊芳

郡城南去是魚峯洞啟氤氳紫氣重鳥道斜通天

柳州府志

卷之三十八 藝文

十九

際月龍鱗秀出石間松仙人幻跡春常駐幼婦留
題蘚半封乘興不妨時寄傲歸來山寺已鳴鐘

前題

戴欽

小龍潭上立魚山絕壁懸蘿豈易攀金磴斜分天
路轉翠霞高抱玉峯閒洞中白日憑吞吐江上漁
舟自往還清嘯隨風落牛斗置身遙在五雲間

前題和韻

戴震欽之

何年矯首錯羣山仙闕宜從此際攀北海有靈誰
破浪南臯無累學投閑驚飛鱗鬣交風雨寥濶天

淵任往還不肯清川尚潛處長留突兀與人間
前題和韻

羅祚胤

獨立靈魚藐萬山塵氛絕處引蘿攀風來雨浪空中作石老雲鱗物外閒突起欲隨龍化去倦飛仍共鳥知還倒留潭影渾難捉一柱翻擎碧漢間
登鎮粵樓

清秋爽氣入高樓天半晴嵐遶檻浮共羨衣冠雄
巨鎮頻瞻俎豆挹前休三關堞擁連雲峻九曲江
迴抱塹流極目更餐山色好祇餘風木動人愁

柳州府志

卷之三十八

藝文

二十

柳州北郭新作鎮粵樓與康盤峯少參覽眺

謝少南

龍城北郭起層臺上有高樓四望開千嶂雲銷簷
外出雙江雨過霧中來瑤人墟遠連煙火逐客祠
深半草萊慷慨與君臨此地一憑風檻罷傳杯
柳州謁賢良祠

諫議祠堂兩地成湘西柳郡北昌平危言總為當
時計直道何知後世名隔岸墓林圍茂草繞祠江
水泛香蘅登科我輩猶顏厚不盡千秋萬古情

三江鎮

迢遞三江水聚頭獨開雄鎮擁貔貅城圍睥睨傍
通徑府構崑峩坐運籌文武更番憑要害歲時無
刻不綢繆如何烽靖人踪絕蛛網高牙草滿樓

柳州開元寺夏雨

呂本中

風雨條條似晚秋鴉歸門掩伴僧幽雲深不見千
巖秀水漲初聞萬壑流鏡喚夢回空悵望人傳書
至竟沉浮面如田字非吾相莫羨班超封列侯
送許子峻使君赴柳州

吳國倫

柳州府志

卷之三十八 藝文

三

嶺雲隨客度蒼梧直道無妨再剖符象郡自開秦
并邑蠻荒總列漢輿圖一樽解纜兵聲劇萬里懷
人海月孤報國此身君獨健莫云遷謫是窮途
送盧起溟之馬平

董嗣成

分符萬里到要荒孤劍千山去路長象郡總歸周
職貢鮫人今識漢文章雲間絕磴通南海花裡新
詩滿夜郎聞道嶺梅春萬樹北來莫惜贈行裝
因莫與京還家便東及章使君柳州幕府之作

莫叔明

使君別去重傷情
綠酒紅亭復送行
染翰欲成鄉國句
愁心何處柳州城
藤陰洞古雲中黑
月色風高浪裡明
却笑著書終日者
閉門花縣歎浮生
贈別余東臺轉官郡丞暫還柳州 吳 鼎
明月湖心憶舊遊
夕陽江外起新愁
十年去住頻傷別
萬事蹉跎可自由
風急天高秋澹澹
蒼梧桂水意悠悠
未須極目懷鄉國
更上峯頭望帝州
送劉翰林子欽往柳州 熊 概
莫嗟華髮半城絲
曾逐群仙集鳳池
才調總知傾

柳州府志 卷之三十八 藝文

後輩科名還見重
當時子瞻南去應能賦
禹錫西來最善詩
昨日先君潛德卷
新題讀罷不勝悲
贈西崑徐節推之柳州 黃廷用

昨捧除書下建章
尊前萬里別情長
龍城山水皆皇土
象郡煙霞近楚疆
獄院晝閑巢野雀
畫堂人靜對斜陽
也知聖主掄才日
不似宗元滯一鄉
遊老君洞 戴 欽

入山頓覺俗緣消
况復捫星上紫霄
石乳滴雲開萬洞
山龍盤水下三橋
天仙鶴舉留丹竈
玉女鸞

迴響碧簫回首浮生無處着欲將身世混漁樵
過融州

龔一清

春風碧草融州路秋浦黃花浪水江畏簡不遑懷
啟處宣蕃急欲措平康四郊空壘延蘿月百室崇
墉束劍霜肯信遠謀非肉食綠林雲捲壤聲長

題老君洞

馮天駿

函谷何年始避秦青牛遠遠渡前津眼中紫氣依
然在石上丹書信有真風雨幾番塵世夢乾坤千
古洞門春磨崖十丈題詩遍誰解巖前更買鄰

柳州府志 卷之三十八 藝文

三

偕友遊真仙巖

王祺

柱下當年舊史臣青囊萬里渡南津雙眸遠指江
山老一坐那知歲月頻碧落晴光浮紫氣洞天真
景隔紅塵相攜偶值黃花節風景誰同落帽人

遊文昌巖

張翀

西風七月暑初收浴罷溫泉更此遊仙客何年生
羽翼虛崖白日自春秋苔封古篆留丹洞雲鎖山
門遶碧流勝地不禁清興發孤峯一嘯起寒颼

金鷄巖

呂景蒙

開闢初來有此巖年年幽閉在山南定分内外三天列巖有三處中乳滿乾坤萬象涵融出二仙當洞府巖口有二秘通一水作齋壇巖下有一泉已於歸隱為休計且向東臺築呂菴

熱水泉

劉志英

煙暖霞蒸景未磨仙源彷彿落銀河井邊丹汞燒清液琴裡薰風起綠波飛瀑流雲翰靜穆冷泉寒月少陽和分明既濟滋離火莫作尋常水石歌

題老君洞

石澗

柳州府志 卷之三十八 藝文

五

青牛憶昔出關時仙跡無端任所之道德遠傳嘉靖世形容獨肖玉融岬一泓溪水澄秋月幾處苔痕蝕古碑天下名山原第一留題千古短長詩

玉華洞 洞内有龍虎二石

殷弼

洞内何年號玉華一泓流水泛胡麻龍飛天半雲為屋豹變山南霧作家青鳥夜呼崖際月碧桃春笑洞門花探竒幾度忘歸去坐石開樽醉紫霞

遊宴會仙巖紀勝

儲起綸

竒巖四面盡相通翠壁浮橋點綴工怪石千層山

谷老丹崖一望海天空飲當琪草樽成綠吟對晴
霞字欲紅俗吏嘉賓爭嘯咏異時佳話播潭中
玉融八景 選五首 失名

融水城西獨秀峯巒岈千尺若神工平巒轟轟圍
天柱遠岫層層拱祝融石磴嶙峋侵斗柄樓臺縹
緲入晴空憑高極目登臨處都付詩人望眼中

青山

翠屏一幅號香山絕壁凌空不可攀春日巖前蘭
蕙馥秋天嶺畔桂花繁曉寒烟霧侵松竹夜靜風

柳州府志

卷之三十八

藝文

五

雷繞樹壇採罷紫芝無一事閒觀澗水溜潺湲

疊翠

石路崎嶇入翠華自從雲際訪仙家松陰遶院猿

啼樹山色滿庭蜂鬧衙孤鶴夜深還舞月清泉時

汲自煎茶當年劉阮人何處笑拍欄杆看落霞

仙洞

落日灘頭雲氣浮近船風雨晚涼秋白蘋洲上行
行雁紅蓼河邊點點鷗賈客推蓬思故里漁人舉
網下中流我生本是江濱叟就買簔衣理釣舟

江融

暮雨

雲淨中天露氣清
臺前皎皎月華明
黃金戲馬皆虛耀
銅雀姑蘓豈得名
夜半吹簫遊閨苑
風微跨鶴訪長庚
光浮海岱星河靜
身在蓬萊絕頂行
樓西

月夜

柳江舟行

國朝 蔣鵬

寒風颯颯刺蓬扉
蕩漾羈愁一葉歸
岸隱蘆花新月小
雲籠疎樹遠山微
崖猿喚子含煙斷
沙鳥驚人踏水飛
壯志漫從遊屐老
幾回遙憶薜蘿衣

柳州府志 卷之三十八 藝文

三

鎮粵樓

蘓霖

危樓懸棟俯龍沙
歷歷晴山帶晚霞
祇會飛簷驅鳥雀
誰知宿火赤桑麻
虛堂文藻留殘碣
孤戍江城起暮笳
荒榭不堪登躋望
離雲萬里鎖京華

寓子厚先生祠二首

閻興邦

灼灼堂中雙短檠
土人兀自仰神明
數年梁酒深膏澤
千載牲牢感性情
世變黃柑猶覆蔭
化成青史果垂名
予來羞過三江渡
恐辱先生治柳城
廟貌荒涼基址平
案頭塵積路堆荆
疎櫺無紙黃

沙入鼯鼠聯群白晝行數尺斷碑雖幸立幾間殘
屋已將傾墓傍不見羅池月惟有蕭蕭衰草聲
黃坭巖

錢三錫

躑躅黃坭草徑微剝崖石洞不安扉雨餘瀑布風
前落雲染苔花燕自歸跣坐醫王清徹骨采山樵
子澹忘衣嶺南荒徼遊難到近學雲門第一機
除日前一日見螢火

瘴嶺南來客思微逼除遙夜見螢輝光生腐草從
天落暖入屠蕪識地違豈是星回添燁燁却憐漏

永故飛飛十年戴記愁空諱月令還疑誤不韋

宿太平墟

太平墟畔偶停橈長夜何人伴寂寥劍戟山高鄉
夢阻紆迴灘淺客心遙三年薄宦腰空折一枕閒
愁眼欲焦待聽曉鷄齊唱後披衣起舞興還饒

遊宴會仙巖

潘 侖

山骨何年雕琢通若非天造即神工瑤塔曲折穿
三徑玉樹玲瓏插半空到處竒葩含翠綠幾層繡
壁映霞紅怡情最是多開爽煙樹遙峯一望中

前題

蔣垣

閨苑疑從此處通漫言塵世少天工玲瓏石竅開
竒境宛轉雲根接太空秋色尚留千樹綠夕陽遙
映萬山紅王喬飛舄安仁賦况復羣仙在會中
謁柳侯祠追舊日登城韻二首 譚一豫

龍城自昔號窮荒雅化因公啟墜茫瘴嶺只今陳
俎豆文身從此見宮墻羅池已蛻千年骨荔子遙
寬百結腸縱道河東古吾土蠻鄉何必不家鄉
橘柚城邊雖盡荒登臨無復舊蒼茫鱗鱗煙火千

柳州府志

卷之三十八

藝文

五

家屋閃閃旌旗百雉墻正氣可能祛鬼膽英魂安
肯歎羊腸東鄰尚有劉司子好與殷勤佑此鄉
除夕前二日晚晴 周人驥

嘉平匝月雨紛紛逗出韶光見夕曛嶺岫模糊猶
隱霧星河牢落乍無雲東皇有令一宵轉南國迎
春百物欣應識明朝晴萬里龍城佳氣更氤氳
新正二日迎春

勾芒令轉正新年簇簇青幡東郭邊已有條風宣
大地不須灰管測先天土牛未碎呈春陌綵燕將

飛入翠鈿豐稔可占民氣樂滿城簫鼓聽喧闐
段桐峯寅長奉檄修柳志茲以公事來梧談間辱
垂詢輒題小律四首
陸 綸
宦情羈思兩如何雲影高秋放權過江柳漫垂春
岸遠池蓉隱約曉風多空祠刺史碑能讀遺墓參
軍怨欲歌汲古定知官閣暇徧搜山水及藤蘿
海天愁色亂雲封獨上高樓第幾重茶臼破閒鄰
澗竹書簾浮爽隔巖松月明仙關山南奕夜靜聲
傳水北鐘風景近城差可悅秭歸聽徧立魚峯

鶯啼榕葉不勝情秋半如春入廨清徧識秦封原
象郡遠者黔水繞龍城斜陽過嶺枕榔暗細雨顏
垣薜荔生莫訝滯留蠻俗陋憑將博雅綴虞衡
裹鹽包飯趁墟場不是徭鄉即獞鄉教化舊曾傳
子厚詩篇今合數文昌巖深碑字秋餘蝕池暗鐘
聲曉失藏占得待蘓吟致好未應清景謝清湘
謁羅池廟
段德溥

卉裳椎髻古南夸憑仗雄文闢教基柳牧早符占
夢兆播州未許論交移名齊吏部東西粵道合賢

良左右祠習禮諸生在庭廡流風餘韻到今思
玉融八景 選六首 劉昭漢

稀竒古洞少人家西母瑤池萼綠華丹竈雲深寒
石髓碧桃香暖醉春沙欲尋緱嶺笙何處此去蓬
壺路未賒一片清幽多入畫滿林夜月淡松花華

洞仙

不毛深入渡瀘州巖壑千秋銅鼓留清曉響聞遠
樹裡夕陽風送亂山頭天然遺韻何妨領外至虛
聲未可求試問武侯當日事浮雲野水共悠悠鼓銅

柳州府志

卷之三十八

藝文

三

鳴巖

萬仞丹崖一水穿碧溪夜靜影流連波翻石塢珠
光碎月映寒潭玉鏡圓半壁空靈虛世界千層疊
翠欲飛仙尋幽每到崑邊去始信其中別有天水

洞天

百尺危樓勢壯哉高標雲漢插三台中天壁彩秋
深夜滿地蘆花月一臺簾捲西風疎影亂寒生白
屋碧華來當年庾亮來遊此也據繩床坐不回樓西
月夜

一江中斷路徧長南北相過喚夕陽柳葉半彎迷
古渡桃花兩岸護漁郎帆歸遠浦風飄蕩雁落平
沙影渺茫欲向五湖尋范蠡荒村煙雨鎖垂陽陽

古渡

碧潭野水久知名盤繞荒山遠俗情雷煥延津雙
劍合長房竹杖葛陂橫幾番風雨波還靜一派澄
泓影更清我亦望洋悲鱣屈十年客夢滯燕京古頂

龍潭

懷遠八景 選二首

廖蔚文

柳州府志 卷之三十八 藝文

三

丹陽洲上一潭澄軍聽曾傳有令名上下波光凝
碧落往來桂棹擊空明酌泉不改平生節飲水何
妨徹底清無事燃犀照牛渚却教人在鏡中行軍聽

澄潭

峯連九曲勢巍峩矗疊雲邊玉筍多萬仞高時看
鳳翥一泓深處駐龍窩曠觀天下皆殘局留得山
前有爛柯勝負原來歸造化滄桑消長眼中過九曲

仙棋

羅城八景 選一首

趙瑞晉

翩翩雲旆度青溪野曠風清望不迷人值歲豐多
笑語馬知秋老陪驕嘶曾傳深夜聞鐘鬪可有新
詩向柱題登眺幾為追勝蹟何年還續舊招提樂

仙境

柳侯祠懷古

楊廷璋

柑香亭北接平蕪為覓羅池半有無柳水滌迴遺
澤永鷺山突兀旅魂孤三奇世遠餘荒碣一塚人
空老碧梧十二年來幾閱歷趨墟仍是舊槃瓠
象州八景選五首

江容淮

柳州府志 卷之三十八 藝文

三五

孤峯突兀峙南天嵐擁晴光氣萬千雲淨青霄涵
秀色水流碧澗度清漣石床葱鬱歡禽鳥丹竈氤
氳憶羽仙山景無端多變幻凌風凝眺意飄然天

晴嵐

一障蒼茫列遠空曉光浮動淡煙籠晴添黛色雲
初郁露浥春容日乍紅盈幘綠生巖磴外滿函青
湛有無中琉璃入座摩城北翠靄臨晨碧漢通玉

曉翠

玉液涓涓景獨殊仙源支派出方壺龍鱗映水連

松檜鷗鳥隨波隱
荻蘆響帶潮聲鳴
雜佩浪搖月色散
明珠冰心淡蕩歸
何處一勾飛泉想
五湖水

名泉

欸乃菰蒲不繫艇
扣舷清調出江沙
遏雲聲起爭梅韵
白雪聽殘隱荻花
明月一竿天籟寂
輕風半艇水波斜
等閒我欲移簑笠
好把新詞唱落霞

西浦

漁歌

紅霞一片影依微
倒映層崗夕照輝
群岫空明穿洞壑
疎林光影碎珠璣
村墟牧豎趨牛返
遶樹鴉

柳州府志

卷之三十八

藝文

三

雛傍母飛日落暉
藏風浙瀝寒煙遙
起四山圍

東崗

夕照

來賓八景 選二首

姚一鳳

春來無樹不呈葩
好向茶林覓雀牙
兩岸低山開疊帳
一灣流水護仙槎
遊人忘倦迷歸路
樵子時歌樂歲華
風送天香何地至
却疑托跡在煙霞

茶浦

舒香

江心浮出古萊洲
仙境蓬壺作勝遊
猛浪乍驚騰化鯉
靜波徐覺伴沙鷗
灘頭好把嚴光釣
適志堪

乘范蠡舟若問狂瀾誰砥柱煙波風雨幾千秋萊

砥柱

月夜登來賓南樓

湯奕濬

三年猶是滯荒城醉倚危樓睡不成月照孤峯寒
樹冷風傳野寺夜鐘清谷虛明滅深林火坂折高
低隔岸聲江上何人吹玉笛梅花的的故鄉情
謁柳文惠侯祠 朱佩蓮

幼誦唐文夢見公今來故治拜遺容登壇吏部曾
更霸配廟參軍屬附庸尚有香柑隨地結可能絲

柳州府志

卷之三十八

藝文

三四

柳拂天濃思人徙倚羅池畔不獨西瞻彩筆峯
五言排律

酬婁秀才寓居開元寺早秋月夜病中見寄

唐 柳宗元

客有故園思瀟湘生夜愁病依居士室夢繞羽人
邱味道憐知止遺名得自求壁空殘月曙門掩候
蛩秋謬委雙金童難徵雜珮酬碧霄無枉路徒此
助離憂

送秘閣王校理知柳州

宋 失名

南越尉佗國羅池子厚神桂林驅傳遠芸閣解嘲
頻行橐黃金滿歸程皂蓋新一麾愁度嶺五絲喜
寧親薏苡偏防疾蒲盧善化人蓬山直廬在几硯
日生塵

謁柳子厚祠

明龔文選

指數唐家士名高柳柳州芝城非所據象郡復何
遊無奈娥眉妬須教明月投乾坤頻笑傲山水盡
冥搜不問蠻谿瘴能忘平子愁曠觀超五嶺雅意
在千秋放逐嗟唐主困衡老粵陬詞章深理奧著

邳州府志

卷之三十八 藝文

三

任在前牙正是蘓韓正寧惟燕許儔大刀環不賜
殿柱志何酬文叔原非黨范公辯已周雄篇芳竹
簡文米動河牛祠宇供雙豆烟霏聚一邱空階寒
露滴畫棟瑞星浮玉嶂排文案澄江衍化流殘碑
苔蘚合遺像古今留莫怪荒投苦堪憐死不休幾
年宮刺史萬載說并州當日元和柳今朝召伯謳
後先多駿碩身世屬蜉蝣通塞惟憑遇浮沉那自
由應知蕉裏鹿更憶海中鷗誰謂吾儕拙還悲世
路悠我來觀柳俗餘韻羨君侯仰止聊三叩高山

載籍頭

題柳侯祠

謝天樞

龍城君舊治到此每停船側問羅池廟皆言刺史
賢主恩蘋藻地臣罪聖明天官是文章誤情因朋
友偏量移猶拜郡塞憤借投邊門對魚山立祠陰
桂樹圓是非紛此日出處似當年醉倚瀝茅酒貧
輸種柳錢鬼燈吹瘴出現鼓應雲闐蟲跡仇碑字
蛛絲補屋椽生時已不達死後亦誰憐愁問劉司
戶狂呼李謫仙三聲泪正下八黨氣無前蠻窟詩

柳州府志

卷之三十八

藝文

三六

名大山靈才子專土風尊作祖慧業靜依禪應起
凋殘念寧論醉飽愆兵戈疑失職魍魅或憑權下
馬尋丹荔閒庭鎖木棉逐臣予更遠瘴地汝猶先
灑泪問夫子千秋事果然

乾隆丁卯重修羅池廟落成

國朝范

赫

長慶初年建靈文奕葉垂名傳賢刺史魂戀舊羅
池遠牧何嫌陋生還竟絕期衣冠封馬鬣俎豆問
鷄彝政教人能述文章我所師江山自今古世代
歷興衰瘴雨偏多濕飄風不住吹丹青渝畫壁鳥

鼠叫荒祠寂寞龍城柳淒涼荔子碑將軍重前哲
都督竇觀察撫遺規
憲副楊公玉亭締構難為繼增修曷
敢遷經營煩守令
廷簡成公踊躍及蠻夸不忍勞
民力無妨損已資躊躕恒久計鄭重鼎新時卷幔
雲光動開窓藻影移宮墻巖巍煥亭榭鬱參差射
圃平如砥書堂宛在潛無爭明揖讓習禮具威儀
波綠蘋堪薦柑香酒可醜春猿與秋鶴髣髴見靈
旗

柳侯祠告成

楊廷璋

重構羅池廟遺徽金石鑄露滋庭栢翠日照砌苔
鮮德政治膺髓休徵奏管絃環城金堞迥帶澗玉
腰纏梓匠規模大橐馳種植全柑香新氣象壁畫
舊雲煙浪息龍嘗墊風清鷗自眠魚峯當案立柳
水逸門漩荔子薰丹火蕉陰蔽綠天瘴嵐披冥冥
杭稻蔚芊芊面繡醜柳酒身文暖木棉賴公宅有
屋福我步新船禮教垂終古衣冠拜昔賢是非歸
定論寵辱問流泉芳草留行屐繁花醉客筵猿吟
蘇子碣雨潤柳侯篇先後來茲土羹墻亦有年辦

香馨俎豆暇日訪山川架上詩三百心頭路八千
漁樵歌晚眺漱石枕潺潺
七言排律

寄都指揮使韓公柳慶征徭

宋陳璉

韓侯聲譽重雄藩徭獍聞知膽已寒詩禮舊曾歌
卻穀龍泉尚擬斬樓蘭營連邕管煙生竈夜度崑
崙月滿關道路行人傳令肅邊郵黎庶沐恩寬屯
兵曉日明金甲躍馬南薰拂繡鞍克敵一生存遠
畧思親千里報平安閒將景物歸吟幌常見風雲

柳州府志

卷之三十八

藝文

三

護將壇報國丹心堅似石平蠻勲業重如山高情
久與梅花共行橐應無恙以還早晚凱旋笳鼓競
捷書先已到金鑾

鷺山飛瀑

國朝周文炳

天地伏流不可測憑虛瀑出冰濤汎奔騰砒砒鷺
山巔儼若飛鳴搏玉翮縱橫振動雷雨聲紛射萬
斛珠璣白造化生成實變幼霾陰晝夜無休息高
懸活潑大文章四郊野魅驚魂魄層層倒瀉龍江
澤興雲鼓浪朝天北

花

遊南潭

張翀

山下清泉出林間白髮來閒雲如可卧何必問蓬萊

前題

計謙亨

不必求人鑑臨潭一驗之秋高山霧隱清可辨鬚眉

真仙巖八景

龔大器

嵯峨盤地軸錯落布瓊玖風吹紫霞散熒熒燦星

柳州府志 卷之三十八 藝文

斗天星

冰輪碾碧天流光下丹井驚起驪龍眠騰驤弄寒

影龍泉

仙人誇白鶴飄飄下九垓矯羽扶桑上萬里石邊

來鶴巖

朝發函谷道暮入湘水邊一聲鐵篴起吹落萬峯

煙牛渚

懸崖三千尺寒泉漱玉飛奔流下滄海群山斷翠

微寒淙

飛玉

丹洞連

水數千里石梁卧波心隱隱蟬竦

起碧澗虹

青山望不極白雲渺何處鬱鬱秀色來遙看峯頭

樹群峯來秀

真象兩無言物情如影響回看太始前無真亦無

象萬象朝真

登立魚峯

國朝 向謙

徙倚綠蘿陰風清天宇淨臨厓望市城好作閒忙令

柳州府志

卷之三十八 藝文

四

穿山驛

金 虞

林壑頗幽靚居人太冥頑誰從牛屋底洗眼看青山

雷江秋日有懷舍弟崑圃四首

湯奕濬

秋老銀河迥風高雁字疎三山雲嶂外誰達一封

書時崑圃官閩

小隱原明志余南溪別墅榜曰小隱山房饑驅忍折腰時趣終

苦勉恨不棄風瓢

一經鐫職後余於五月以虧薪桂米如珠托鉢渾

無地空山啼鷓鴣

幽谷芳蘭蕙階除不耐開買山原有約何日赴歸來

七言絕句

柳州署中作

唐柳宗元

南州溽暑醉如酒憑几獨眠開北牖日午睡覺無餘聲山童隔竹敲茶臼

柳州二月榕樹落盡偶題

宦情羈思共悽悽春半如秋意轉迷山城過雨百

柳州府志

卷之三十八 藝文

四一

花盡榕葉滿庭鶯亂啼

柳州寄京中親故

林邑山連瘴海秋牂牁水向郡前流勞君遠問龍

城地正北三千到錦州

種木榭花

上苑年年古物華飄零今日在天涯祇應長作龍

城守剩種庭前木榭花

酬曹侍御過象縣見寄

破額山前碧玉流騷人遙駐木蘭舟春風無限瀟

湘意欲採蘋花不自由

與浩初上人同看山寄京華親故

海畔尖山似劍鉞秋來處處割愁腸若為化得身
千億散作峯頭望故鄉

浩初上人見貽絕句欲登仙人山因以酬之

珠樹玲瓏隔翠微病來方外事多違
仙人山不屬分符客一任凌空錫杖飛

雨中贈仙人山賈山人

寒江夜雨聲潺潺曉雲遮盡仙人山
遙知立約在

深處下笑羈絆泥塗間

銅魚使赴都寄親友

行盡關山萬里餘到時閭井是荒墟
附庸惟有銅魚使此後無因寄遠書

蠻中

張籍

銅柱南邊毒草春行人幾日到金麟
玉環穿耳誰

家女自抱琵琶迎海神

瘴水蠻江入洞流人家多住竹山頭
青上海上無城郭惟見松排出象州

柑子堂

宋陶弼

子厚才名甲有唐
謫官分得荔支鄉
羅池水盡黃柑死
獨有空碑在畫堂

思柳亭

羅池刺史寡塵緣
畫戟墻頭築望仙
黃鶴與誰同
一去碧桃無主又千年

冬日融州

陳藻

四隻漁船叩板門
幾家茅屋長兒孫
天寒水淺江成路
地僻人稀郭賽村

柳州府志

卷之三十八 藝文

三

謁羅池廟 并序

友人余子畏嘗以詩戲余尾聯云我合焚香夜深坐等君頭白柳州來後余有東寧之役過柳州界謂前詩應於此矣及泛江東還謁羅池廟乃知行止前定

平生不作羅池夢今日還來謁柳祠
忽憶故人曾得句鬼神先我七年知

登仙奕山

盧侗

畏對青山老一秋
逢春又向碧巖遊
憑空為問蓬

萊客何物能銷萬古愁

前題

趙興霖

鑿石縱橫十九槽千秋遺跡在林臯看他有局無
棋意可是從前不著高

真仙巖二首

其一 缺

曾布

鑿成巖穴鬼工難中有神仙自往還不見桃花開
落處祇隨流水到人間

前題

陳倩

神仙遺像出天真造化胚渾豈易言訪古尋幽空

柳州府志

卷之三十八

藝文

四

有意白頭軒冕戀君恩

鹿龍高躡九霄難共駕仙車去不還遺跡至今空

有檜不知蟬脫此山間

前題

彭次雲

白石天然肖老君泉聲如頌五千言虛無妙道無

人繼却使浮屠冒寵恩

尹喜當年共出關流沙一去未嘗還必應精爽遊

南越乃現形儀洞穴間

前題

齊 諶

仙馭凌雲去幾年九流空苦道家言何人懷古求
遺像巖穴常蒙雨露恩
儼然鶴髮與龍鬚誰道乘風不復還混俗何須窮
變化或來塵世或雲間

前題

錢師益

巨石何爭此結成老君有像亦難名以身為患言
猶在漫使當時分重輕
巖前流水碧潺潺鶴馭翩翩去復還堪笑世人求
不死豈知得道有無間

柳州府志

卷之三十八

藝文

五

前題

松菴道人

千巖萬壑倚晴空此洞真竒迥不同未數洞天三
十八想移當日太清宮

柳州大水

明桑悦

十日十夜雨不休龍城水欲女墻流東市撐船過
西市不知撞破幾煙樓

謁劉賢良廟

制策通篇忤貴臣危言出口已忘身當時得意真
螢爝星斗名懸下第人

玉融郊行二首

亂山蒼翠野人家
小雨絲絲潤杏花
誰似東君最公道
遠分春色到天涯

青山兩岸夾通津
流水桃花玉洞春
知是邊城難久住
天將佳景故留人

予將去柳軍民扳留
刊像配享子厚祠
桃源令計君從善
且以詩見贈為和其韻

衆軍以木刊吾真
千百分明是化身
他日羅池還祀我
休言禍福解驚人

柳州府志 卷之三十八 藝文

吳

寄唐大紳三首

蔣冕

湘水門東栢觀中
髫年來往幾人同
眼前久已無陳子
我與君今亦老翁

建水南邊是豆灘
君家占斷好峯巒
十年不遇雙魚便
一字無因得問安

我寓金陵偶憶君
打窗風雨不堪聞
清時未遂投簪願
回首湘南是白雲

送林仲穎赴馬平

鄭善夫

東浮淮海三千水
南過羅浮四百峯
知爾欲尋勾

漏令會看鷄犬白雲中

別王通判罷官還柳州

夏言

使君節操如冰玉不愧靈峯與葛溪
春日送君溪水上相思遙隔楚岡西

送蕭元章赴柳州別駕

湛若水

柳江江上柳千垂子厚當年手自培
到時若見思人樹五馬風流別駕追

柳江逢漲

謝少南

桂灘如帶支流少一夕漲生江邊渾
夜來天末見

柳州府志

卷之三十八

藝文

七

掣電定有狂歌闢海門

再過柳江

一歲煙江兩度航炎風寒雨送流光
蓬窻怕見澄波影偏照行人鬢裡霜

答李侍御惟貞時方按柳州二首

王世貞

瘴色驚霜一馬驄故人誰似李端公
柳州垂柳應無數心在襄西落木中

越嶺春初雪不殘柳江風物已堪觀
莫言嶺表無他寄蕉實能黃荔子丹

嗽王皮果

董傳策

碧樹離離金彈垂膏凝甘露嚼來奇木如秋色珍
如許那似香飄溽暑枝

嗽荔子二首

鐵櫛婆娑落子紅方苞剥出水晶籠炎荒正惹長
卿渴却嗽瓊漿半洗空

南風醺落出墻枝丹渥羅囊玉露披博得風流瘦
吟骨蘓郎曾寫黑猿詩

九層皮

柳州府志

卷之三十八

藝文

哭

栗怯香滋薯怯奇蒸來皮裹裹層皮饒君露底元
無骨怪得包藏肉太肥

白沙灘壁嶂奇絕殆不可畫次九龍韻

魯鐸

丹崖翠嶂映清流天趣無窮到客舟他日畫圖逢
馬夏也應無足注雙眸

蓬萊灘

蓬萊何處此名灘小島中流激怒湍若道仙舟出
弱水從今脫屣未應難

賭命灘

迢迢行路不辭難萬里還過賭命灘不為簡書催
使節肯將身向此中拚

柳州二月榕葉盡落偶題

陳贄

山城春盡意淒淒迢遞秦關望去迷雨後滿庭榕
葉落不堪時聽越禽啼

文筆山

陶崇

晚來設色霞成綺秋至回文雁作行借問墨池何
處是鸞江環遶漱琳瑯

柳州府志

卷三十八

藝文

晁

柳州見梅

藍智

忽見繁花亂客愁東風寂寞古龍州故園穉子無
消息坐對寒江月滿樓

柳州二月

王越

飄泊南荒易慘悽滿庭芳草綠煙迷杜宇不知人
思苦數聲時向耳邊啼

別南北兩岸

李文或

一囊離思已相牽皓魄今看十度圓兩岸煙光留
不住歸心先遶白雲邊

仙人崖懷古

誰將鬼斧削崔嵬萬仞丹崖一洞開
仙子霓裳渾不見獨留松月照人來

羅池柳侯祠

國朝金虞

種柳江邊生暮陰沙街迴步欵薌林
墻根剩有韓碑在丹荔黃蕉不可尋

過古田廢城偶感明季事

卧榻寧堪醜類棲隔江風雨漲殘黎
千金購得韋銀豹花落空城怪鳥啼

柳州府志 卷之三十八 藝文

五十一

寓齋偶題

立魚峯好青如畫種柳江深綠染衣
一月春風留客醉水花雀嫩虎鰱肥

來賓官署偶題二首

雷江都是獐人家銅鼓冬冬早報衙
坐客春風無長物綠梅花頂寄生花

官齋梅樹有寄生花

昔年仙令儘風流喜雪書占大有秋
當湖沈融谷曾為邑令書

署中晚菊

于成龍

喜雪 郭細侯來應更好雪消春水滿田頭

籬邊把酒問青天何苦繁霜帶醉煙縱使向榮嗟
已暮三遲疎影益人憐

梅信

錢三錫

上苑爭看冰雪姿嶺南春信未應遲只愁天末無
人到縱有清芬祇自知

一草堂

義館在南門外時至與諸生講論者久之

楊升元

近城里許水雲鄉車馬無喧一草堂童冠幾人來
請益未忘結習話偏長

收糧作

柳州府志

卷之三十八

藝文

五

一飽斯民未易誇囊中有粟豈泥沙蕩平斛面尺
餘地活得窮簷幾萬家

屠門

免屠戶當行

邊隅城市即鄉村咬得依然是菜根勾當公餘慚

素飽敢因大嚼過屠門

芭蕉

羅人多食蕉灰水以當鹽既平其價買者較往時幾倍

食灰此地已多年只為芭蕉不取錢今日官鹽知

定價春山茶筍解同煎

夸歌六首

許朝

供輸一體萬方平此地猶傳布縷征機上梭聲終
月夜辛勤縷縷見夸情
皇古流風尚有無結繩遺意在邊隅官符文約都
無用木刻相要信自孚

鷺鴨鷄豬散滿田村南村北聚人煙一篙撐渡前
溪速惟有新剝獨木船

深山苗族半居樓樓上群峯翠欲浮桐子更兼茶
子利一年生計在山頭

窮林深箐水涓涓劈竹分流灌溉便莫道蠢苗無

柳州府志

卷之三十八 藝文

五三

巧思南山泉養北山田

苗村素業只耰耨近日村村設號書識得聖賢經
傳意好令異服化襟裙

下居松嶺

湯奕濬

鈎連石棧五丁開振履新從天上來不見袖中蒼
霧起那知身惹嶺雲迴

詩餘

送陳叅議之官右江

調寄金縷曲

朱彝尊

雁塞分襟驟七年來關河迢遞合并難偶草草殘

春相逢乍通潞亭邊攜手恨不見李生良久也天生
待踐深秋鷄黍約奈匆匆畫鷁津門口萬里別一
杯酒丹砂此去鄰勾漏沂蠻江人家兩岸綠榕
紅豆才子從軍絲來事况是黃金懸肘擁千騎弓
刀前後聽取連營長短笛譜武漢一曲南征又嶺
外嶺柳州柳

送沈融谷宰來賓 調寄一枝花

露脚飄籬柱翠濕牽牛花吐一繩新雁底幾行樹
天末郵籤數了還重數行遍衡湘路六漿衝烟鳥

柳州府志 卷之三十八

藝文

五

蠻山在何處 蠻戶兼龍戶多向竹棚頭住琴堂
吟不盡荔支雨畫便垂簾待月修簫譜瘴鄉休道
若須勝似泉明折腰彭澤晨暮

又前調

彭孫適

小縣雷江口面面鷄桐蛇柳微風香繡滿拂腰綬
白象雙趺也畫城門否官閣簾垂晝黑蝶癡肥應
憐八咏人廋 莫怨分襟驟且盡離亭尊酒明霞
拖淡墨雁飛候料得天南嘹唳聲希有多少連雲
岫算兩地相思仙鳥甚日來又

卷之三十八終